

## TARANTELLA DE LU CACARE

[Roberto De Simone ]

YouTube:

<https://youtu.be/Se8qHABEowU>

Nun magnate vermicicelli ca ve ne jate cu 'e lampiuncielli  
nun magnate capitone ca ve ne jate cu 'o carrettone  
nun magnate alice crure ca so' guaje e so' delure ma cacate sulamente  
a la faccia 'e chi ve sente

Cacature allerta allerta, state zitte a bocca aperta bella cosa è lu  
cacare, assaj cchiù de lu magnare pe magnà ce sude e stiente, pe cacà  
nun ce vo' niente basta sulo ca te sbrache, ca t'acale, punte e cache

Doppo fatte na magnata, quant'appriezze na cacata! e cacanno gira e  
vota, magnarrisse n'ata vota

Da che po' lu munno è stato, tutte quante hanno cacato, si quaccuno  
nun l'ha fatto, nun po' di' che è suddisfatto

Po' cacà tutta la gente lu signore, lu pezzente, e si 'a sudata è  
generale, a cacà so' tutt'eguale

Pure a 'e tiempe 'e Gnora Vava sempe bbuono se cacava e pe fare stu  
servizio, se campava cchiù cu sfizio

Ca uno è nobile o che è ricco, si non caca more sicco ca è nu re o nu  
presidente, si nun caca nun è niente

Fosse pure 'o Rre de Spagna, si nun caca nun guadagna Fosse pure 'o  
Papa 'ntrono, si nun caca nun perdono

Quanno caca na signora, s'arrecra cchiù de n'ora

E si magna 'e panzarotto, magna a'e ssette e caca all'otto E si magna  
pummarola, quanno caca se cunsola,

E si magna lu suffritto, fa li strunze cchiù deritto

Quanno caca na badessa, pare ca se dice messa e chiammano 'o  
sacrestane fa sunare li ccampane

Accussì Pulecenella caca a tempo 'e tarantella primma allerta e po'  
assetato quanno pensa a'a nammurato

Ogni ceto, ogni nazione, pe cacà a suddisfazione ha da aprì lu  
pertusillo, pe fà ascire lu strunzillo

Sta canzone è fatta apposta pe cacà senza proposta, e ce vole lu  
sceruppo si nun cache senza trucco.

quanno cache è nu piacere e te siente cchiù liggere po' sentennote  
felice, sta cacata benedice

E si cache mmieza 'a via, te conzuole e t'arrecria e si cache nterr'o  
mare, t'arrifrische stu panare

Chi nun sa cacà a lu munno campa quadro, e po' rotunno e chi un fa  
sta spremmuta, fa la faccia cchù gialluta

E' nu fatto d'a natura, ca ce vo lu cacatura si a cacare, core mio, vene  
sempe lu gulio

Pe magnà a suddisfazione fa la rivoluzione mentre invece, pe cacare,  
nun s'alluca e nun se spare

Tarantella, tarantella, viva chesta cacarella si cacanno può cantare,  
com'è bello lu cacare